



UTM
UNIVERSITI TEKNOLOGI MALAYSIA

ULRS1182
PENGHAYATAN ETIKA DAN PERADABAN
SECTION 16
LECTURER: DR. MOHD NASIR BIN MASROOM

TUGASAN BERKUMPULAN

Ahli Kumpulan:

Name	Matric No
Chuah Hui Wen	A23CS0219
Chen Wei Jay Nickolas	A23CS5028
Lam Yoke Yu	A23CS0233
Lim Xin Rou	A23CS0240
Teh Ru Qian	A23CS0191

Jadual kandungan

1.0 Latar Belakang Responden	2
2.0 Analisi Jawapan	3
3.0 Refleksi individu	9

1.0 Latar Belakang Responden

Responden yang ditemu bual oleh ahli kumpulan Chuah Hui Wen ialah Nathalie Ang Pei Yi. Nathalie berumur 20 tahun. Pekerjaan Nathalie ialah seorang pelajar yang belajar kursus Kejuruteraan Elektrik di Universiti Teknologi Malaysia. Nathalie merupakan etnik bumiputera yang berasal dari Sabah. Nathalie berbangsa Kadazan.

Responden yang ditemu bual oleh ahli kumpulan Chen Wei Jay Nickolas ialah Puan Lizawati Mi Yusuf. Puan Lizawati merupakan pensyarah di Universiti Teknologi Malaysia. Puan Lizawati berumur 46 tahun dan berbangsa kaum Melayu.

Lam Yoke Yu pula menemubual Grace Vel Anak Asin. Grace berumur 20 tahun dan berbangsa Bidayuh. Grace merupakan seorang pelajar di Universiti Teknologi Malaysia dan belajar di bawah Fakulti Kejuruteraan Elektrik.

Responden yang ditemu bual oleh ahli kumpulan Lim Xin Rou ialah Encik Lim Joo Yoke. Encik Lim Joo Yoke merupakan pesara yang berumur 63 tahun dan berbangsa kaum Cina.

Responden yang ditemu bual oleh ahli kumpulan Teh Ru Qian ialah Harini A/P Sangaran. Harini berumur 20 tahun dan berbangsa India. Dia merupakan seorang pelajar yang belajar bidang Sains Komputer di Universiti Teknologi Malaysia.

Pautan Video Montaj: <https://youtu.be/L0-7TWQuU68>

2.0 Analisi Jawapan

2.1 Mengapa etika dan adab penting kepada kita?

Dalam temu bual ini, Grace dan Nathalie telah memberikan jawapan yang mempunyai persamaan iaitu etika dapat menjadi panduan kepada kita. Grace berpendapat etika penting kerana etika dapat menjadi panduan untuk menyelesaikan masalah dengan cara yang lebih baik. Nathalie berpendapat bahawa etika dan adab juga menjadi panduan untuk mengetahui mana yang betul dan mana yang salah dan boleh menjadi panduan untuk mengetahui apa yang perlu dilakukan dan apa yang tidak patut dilakukan.

Harini, Encik Lim Joo Yoke dan Puan Lizawati memberikan pendapat yang sama iaitu etika dan adab juga penting untuk mewujudkan keharmonian. Harini berpendapat etika dan adab juga penting kerana kita dapat berkomunikasi dengan orang lain dengan hormat supaya dapat menjaga perasaan mereka dan juga dapat menjaga hak individu sendiri. Oleh itu, kita dapat membentuk masyarakat yang harmoni dan aman. Encik Lim Joo Yoke berpendapat bahawa etika dan adab juga penting kerana kita dapat membina hubungan yang baik dengan orang lain dan menjaga keharmonian dalam keluarga dan masyarakat. Puan Lizawati berpendapat kalau kita menghormati orang, orang juga menghormati kita. Jika kita bercakap dengan sopan santun dan dalam nada yang berhemah, pergaduhan dapat dielakkan dan kehidupan juga lebih harmoni.

2.2 Dari manakah anda mendapat pengajaran nilai hidup, etika dan adab?

Berdasarkan temu bual, Grace mendapat pengajaran nilai hidup, etika dan adab dari ahli keluarganya, cikgu dan komuniti. Nathalie belajar etika dari rumah. Nathalie melihat aktiviti yang dilakukan oleh ibu bapanya dan mengikuti jejak langkah mereka. Harini dapat pengajaran nilai dan moral daripada keluarga dia sebab sejak kecil lagi ibu bapa dia sudah mengajar nilai moral kepada dia. Sebagai contoh, Harini akan selalu membantu ibu bapa membuat kerja dan sebagainya.


Encik Lim Joo Yoke berpendapat bahawa pengajaran nilai kehidupan dapat dari mendengar nasihat ibu bapa, menjauhi komuniti negatif, memilih jalan yang betul, bukan jalan yang salah dan meletakkan diri kita di posisi yang betul di masa depan. Puan Lizawati berpendapat bahawa nilai-nilai murni boleh diperoleh dari sekolah melalui pendidikan moral dan Islam. Selain itu, Puan Lizawati juga berpendapat pengajaran nilai hidup, etika dan adab dapat didapati dengan didikan ibu bapa, persekitaran, dan pemerhatian.

Grace dan Puan Lizawati memberikan pendapat yang sama iaitu mendapat pengajaran nilai-nilai murni dari sekolah dan komuniti. Grace berpendapat dia diajar nilai daripada cikgunya di sekolah dan komuniti. Puan Lizawati berpendapat muslim akan belajar pendidikan Islam, individu bukan muslim akan belajar pendidikan moral di sekolah. Puan Lizawati juga berpendapat pengajaran nilai murni boleh dilakukan melalui penglihatan dan memerhati sekeliling dan komuniti.

Semua 5 responden Grace, Nathalie, Harini, Encik Lim Joo Yoke dan Puan Lizawati telah menyenaraikan ibu bapa sebagai sumber untuk mendapat pengajaran nilai hidup, etika dan adab. Persamaan jawapan 5 responden ialah mereka mendapat pengajaran nilai hidup, etika dan adab dari rumah.

2.3 Kongsikan 3 etika & adab yang anda amalkan?

Berdasarkan temu bual, etika dan adab yang diamalkan oleh responden seperti di bawah.



Berdasarkan temubual, Grace, Nathalie dan Puan Lizawati mengamalkan dua etika yang sama iaitu kejujuran dan menghormati orang lain. Selain itu, mereka juga menerapkan nilai-nilai kesyukuran, tanggungjawab dan integriti masing-masing dalam kehidupan mereka. Puan Lizawati berkata bahawa beliau ingin memelihara profesionalisme beliau dalam bidang akademik dengan menitikberatkan integriti dan amanah. Beliau telah memberi contoh pengamalan integriti sebagai seorang pensyarah, seperti tidak membocorkan soalan peperiksaan kepada para pelajar walaupun soalan tersebut disediakan olehnya.

Harini turut memberikan pandangan unik mengenai adab dan etika dalam temubual. Sebagai lanjutan daripada soalan kedua, dia berkata bahawa dia akan membantu ibu bapa dengan tugas rumah dan dalam analisis ini, kami menganggap ianya sebagai mentaati ibu bapa. Selain itu, Harini menekankan pentingnya menepati masa, seperti menyiapkan tugas sebelum tarikh akhir dan hadir tepat pada waktunya untuk kuliah. Harini juga bersopan santun semasa berkomunikasi, terutamanya dengan orang tua agar tidak menyinggung perasaan mereka.

Encik Lim Joo Yoke pula berkata bahawa beliau menghormati antara satu sama lain, menghormati budaya orang lain, dan menghormati orang yang berbeza agama dan membina hubungan dengan mereka untuk kehidupan yang lebih baik.

Grace, Nathalie, Harini, Encik Lim Joo Yoke dan Puan Lizawati telah mengamalkan etika menghormati orang lain. Secara umumnya, persamaan etika & adab yang diamalkan oleh 5 responden adalah etika menghormati orang lain.

2.4 Adakah generasi muda sekarang kurang beretika dan beradab? Jelaskan alasan anda.

Dalam temu bual, Encik Lim Joo Yoke, Puan Lizawati, dan Nathalie setuju bahawa generasi masa kini kekurangan etika dan peradaban. Grace memegang posisi neutral. Harini tidak setuju generasi muda sekarang kurang etika dan peradaban.

Encik Lim Joo Yoke berpendapat bahawa kebanyakan generasi kurang pendidikan daripada ibu bapa mereka sejak kecil.

Puan Lizawati, dan Nathalie memberikan jawapan yang sama iaitu generasi kurang beretika kerana dipengaruhi oleh media sosial. Puan Lizawati berpendapat bahawa kebanyakan generasi muda kekurangan etika dan peradaban kerana terlalu asyik dengan media sosial dan kurang pendidikan. Nathalie berpendapat bahawa penggunaan media sosial yang berlebihan telah mengurangkan kesedaran golongan muda tentang kepentingan etika dan kurang interaksi dengan orang lain.

Grace memegang posisi neutral mengenai golongan muda yang kekurangan etika dan adab. Beliau berpendapat bahawa kita tidak boleh menilai seseorang itu beretika atau tidak.

Harini berpendapat bahawa generasi masa kini tidak kekurangan etika dan peradaban kerana orang ramai boleh berkongsi kepentingan etika dan peradaban melalui platform media sosial dan golongan muda masa kini sering melayari media sosial.

2.5 Bagaimanakah mahu mengukuhkan etika dan adab dalam kalangan generasi muda?

Selepas menjalankan temu duga, Grace, Encik Lim Joo Yoke dan Nathalie memberikan pandangan yang sama iaitu ibu bapa memainkan peranan penting dalam mengukuhkan etika dan adab dalam kalangan generasi muda. Grace menyatakan bahawa ibu bapa merupakan teladan yang baik kepada anak-anak mereka, yang akan mencontohi peranan dan tingkah laku ibu bapa sejak kecil lagi. Encik Lim Joo Yoke bersetuju dengan pandangan Grace, dan menambah bahawa ibu bapa perlu menunjukkan jalan yang betul kepada anak-anak mengenai adab seperti menghormati orang tua. Nathalie pula berpendapat bahawa ibu bapa boleh mendaftarkan anak-anak mereka untuk menyertai lebih banyak aktiviti yang memerlukan interaksi manusia, seperti gotong-royong dalam kalangan masyarakat.

Selain itu, etika dan adab bukan sahaja boleh dikukuhkan oleh ibu bapa, tetapi media sosial juga penting dalam kalangan generasi muda. Puan Lizawati dan Harini memberikan pendapat yang sama iaitu etika dan adab boleh dikukuh dengan media sosial. Puan Lizawati berpendapat bahawa generasi sekarang menggunakan media sosial setiap hari. Oleh itu, pendidikan perlu disebarikan melalui media sosial supaya lebih berkesan terhadap generasi muda. Harini bersetuju dan menambah bahawa kepentingan etika boleh disebarikan dalam bentuk poster melalui media sosial.

3.0 Refleksi individu

Chuah Hui Wen

Semasa membuat tugas kumpulan tersebut, saya mempunyai peluang untuk mengenali kawan yang berbangsa kaum yang lain. Saya telah mengenali kawan baharu iaitu responden saya, Nathalie Ang Pei Yi yang berasal dari etnik bumiputera Sabah, iaitu Kadazan. Selepas menjalankan temu bual dan membuat analisis jawapan semua responden, saya dapat mempunyai pemahaman yang lebih mendalam tentang kepentingan etika dan adab. Selain itu, saya juga dapat belajar cara-cara untuk mengukuhkan etika dalam kalangan generasi muda. Selepas temuduga, saya juga sedar bahawa kita semua mempunyai peranan dalam memastikan etika dan nilai ini terus dipelihara dan diamalkan. Saya mendapat refleksi bahawa saya perlu mengamalkan nilai-nilai murni dan memberikan contoh yang baik kepada orang lain serta menjadi seorang yang beretika.

Chen Wei Jay Nickolas

Dalam kehidupan saya, menerapkan etika dan adab membantu saya menjadi individu yang lebih baik dan dihormati oleh orang lain. Saya menyedari bahawa dengan beretika, saya dapat mengatasi berbagai situasi dengan lebih tenang dan terarah. Adab dalam berinteraksi membuat saya lebih diterima dalam berbagai lingkungan, baik keluarga, universiti, maupun masyarakat luas. Secara keseluruhan, etika dan adab tidak hanya memperkaya kehidupan saya tetapi juga membantu membina masyarakat yang lebih harmonis dan damai.

Lam Yoke Yu

Tugas ini telah memberi peluang kepada kami untuk menerokai dan menyelidik pendapat orang lain mengenai etika dan adab. Sepanjang sesi temu bual, saya dapat bergema dengan pendapat-pendapat yang dikemukakan oleh responden kami. Tugas ini merangsang saya untuk merenungkan kembali perilaku saya sendiri. Saya mendapati bahawa dalam beberapa keadaan, saya mungkin telah bertindak dengan etika dan adab yang tidak sesuai. Oleh itu, saya perlu lebih peka dengan nilai-nilai etika dan adab dalam kehidupan saya.

Lim Xin Rou

Etika dan peradaban adalah aspek yang tidak boleh diabaikan. Etika dan peradaban bukan sahaja mempengaruhi individu tetapi juga orang di sekeliling kita, komuniti, dan dunia. Etika dan adab boleh membantu kita mewujudkan masyarakat yang penyayang dan prihatin yang dapat membantu mencapai matlamat perpaduan kita. Secara keseluruhannya, masalah yang timbul seperti masalah etika, masalah integriti, dan konflik perlu ditangani dan pendidikan harus mengambil tanggungjawab untuk melaksanakan silibus bagi menangani isu-isu ini.

Teh Ru Qian

Selepas menjalankan temu duga, saya sedar etika dan adab penting dalam kehidupan harian untuk membina hubungan baik dan mengelakkan konflik. Ibu bapa berperanan utama dalam membentuk etika anak-anak sejak kecil. Etika dipelajari dari rumah, sekolah, dan komuniti, adalah penting untuk suasana positif dan komunikasi hormat. Kesimpulannya, pembentukan etika generasi muda memerlukan usaha bersama ibu bapa, pendidikan formal, dan media sosial.

4.0 Kesimpulan

Kesimpulannya, tugas kumpulan ini telah membolehkan kita mengetahui kepentingan etika dan peradaban dalam kehidupan kita. Etika dan adab penting dalam kehidupan harian untuk menjadi panduan kepada kita semasa kita menyelesaikan masalah. Selain itu, etika dan peradaban boleh membantu kita membuat keputusan yang betul. Seorang yang beretika juga dapat berkomunikasi dengan hormat.

Kebanyakan individu mendapat pengajaran nilai hidup, etika dan adab dari rumah. Semua aktiviti bermula dari rumah. Kita menghabiskan masa yang lama di rumah pada setiap hari. Anak-anak yang kecil akan melihat tindakan ibu bapa dan mengikuti tindakan ibu bapa. Oleh itu, ibu bapa perlu menjadi contoh yang baik kepada anak.

Responden mengamalkan etika dan adab seperti kejujuran, menghormati orang lain, kesyukuran, tanggungjawab, dan integriti, yang membantu mereka berinteraksi dengan baik dan membina hubungan positif. Walaupun ada pandangan bahawa generasi muda kurang etika kerana pengaruh media sosial dan kurang didikan ibu bapa, ada juga yang percaya media sosial boleh digunakan untuk menyebarkan kepentingan etika.

Tugas kumpulan tersebut juga membolehkan kita belajar cara untuk mengukuhkan etika dan adab dalam kalangan generasi muda. Ibu bapa memainkan peranan utama dalam membentuk etika anak-anak sejak kecil. Contohnya, ibu bapa perlu mengajar anaknya tentang kepentingan mengamalkan nilai-nilai murni. Di samping itu, peranan pendidikan formal dan media sosial juga merupakan peranan penting dalam mengajar nilai hidup, etika dan peradaban kepada generasi muda.

Akhir kata, pembentukan etika dan adab sangat penting dan bermanfaat kepada kita. Etika dan peradaban adalah penting kerana dapat membentuk asas kepada individu yang berintegriti dan masyarakat yang harmoni dan adil. Oleh itu, usaha dan kerjasama dari ibu bapa, pendidikan, dan pihak media sosial diperlukan untuk terus mendidik dan mengamalkan nilai-nilai ini agar dapat diwarisi oleh generasi akan datang.